

Anto Domazet

Inicijativa upućena Ministarstvu finansija i trezora BiH – „Opća nelikvidnost u privredi BiH karakterizira se nedostatkom novca u opticaju i smanjenom sposobnošću izmirenja obaveza privrednih društava i vladinog sektora. O tome svjedoče podaci Centralne banke BiH da je u prvoj polovini 2012. godini 32. 539 preduzeća imalo blokirane račune, što je za 4000 više blokiranih preduzeća u poređenju s januarom 2011. godine. Neki drugi podaci ukazuju na nivo potraživanja u poslovnom i javnom sektoru od oko 20 milijardi KM ili nešto manje od 80% bruto domaćeg proizvoda. Negativan tok razvoja likvidnosti prijete da privredu BiH vrati na naturalni način poslovanja u kojem međusobne kompenzacije postaju osnovno sredstvo plaćanja i održavanja preduzeća u životu. Manifestacije nelikvidnosti jednako su ozbiljne u oba entiteta, što nam ipak potvrđuje postojanje jedinstvenog ekonomskog sistema BiH, ali na jednom negativnom primjeru. Nelikvidnost ozbiljno ugrožava i postojeći nivo ekonomskih aktivnosti, a bez njenog rješavanja teško se može govoriti o ubrzanju ekonomskog rasta.

Ne ulazeći ovom prilikom u razloge opisanog stanja, upućujem inicijativu Ministarstvu finansija i trezora BiH da, u saradnji sa Centralnom bankom BiH i ministarstvima finansija entiteta, pripremi do septembra 2012. godine informaciju o stanju likvidnosti u poslovnom i javnom sektoru BiH i razmotri, u sklopu drugih mjera na otklanjanju uzroka i ublažavanja nelikvidnosti, mogućnost provođenja multilateralne kompenzacije u BiH u kojoj bi učestvovala privredna društva i sve institucije javnog sektora u BiH.“